

Sura - Agape Takarda Kì-Naan - God's Love Letter Scriptures

Joon 15:9 "Wan wal nwun, a kaadì puun wuri wal nwan si. Wu tong ndighìn wal fina.

Aizaya 43:1,2 - Afisus 2:10 A Naan wuri le mun shi sar firi, kaadì mun di si, amma yaksi ndighìn Kristi, be wuri le mun a mpee c`in dak diiret mo, di wuri kì-ten dak ni le mpee mun, mpeku mu c`in mo di.

Jeremiya 1:5 - Galati 1:15 Amma Naan di wuri ten bilip wan yam-yam, akudang moo làa wan, be ndighìn diiret firi, be wuri pet wan mpeku wan dee di a mu wuri.

Joon 15:16 Ba jí a wun wu bilip wan kas, amma a wan bilip wun, mpeku wu dee di a nyemfina mo, kì-wan le ku wu so wu c`in dak fina mo. Mpeku mbii di wu kat mbut dak fuu ni mo, be mo dee a diiret har vit. A mpeemini, be koo a meye di wu dang pu puun fina ndighìn sum fina, be wurin ncín mo nwun.

3 Joon 1:2 Shaar fina, wan kìn c`in aduwa pe wugha, mpeku a kat diiret di ndighìn mbii mo jir, kì-zak, mpeku a tong di nkaghàm, kaadì seen fugha ni kat diiret si.

Aizaya 43:4 - 1 Pita 2:9,10 Amma pe wuwun, be wun a dang di Naan wuri kì-ten bilip. Kì-wu dee a pris di moo c`in dak mishkaghàm diides. Wun a dang di Naan wuri tap bilip wun le nshin. Wun a nyem di Naan wuri kì-ten kyak wun mpee sum firi. Naan wuri bilip wun, a mpeku wu sat di agaak mbii diides diiret, di wuri kì-ten c`in mo nwun, kaadì wuri put kì-wun ndighìn peenkoo, kì-wuri j`i kì-wun mpeku wu mwaan di ndighìn peebang firi, diisi ni aapo ngurum mo zam. 10 Gyet yam be ba wun a nyem kì-Naan mo kas, amma yaksi, wun a nyem firi mo. Gyet yam be ba wu man yit naajeel kì-Naan kas, amma yaksi wu man yit naajeel firi. Ni ret ku nyem kì-Naan mo cín diides mmishkaghàm mo, kì-nyem di moo c`in mulki nkaa mo jir.

Jeremiya 31:3 - Afisus 1:4 Akudang Naan wuri leyil ni, be wuri kì-ten bilip mun, mpeku mu dee a mìri ndighìn Kristi, mpeku mu dee di a diibang kì-ndighìn wal mpeedi ba mee shikbish di ntoghom firi kas.

2 Timoti 1:9 Wuri di wuri pet mun, shi petpee diibang, ba a mpee mee dak di mu c`in kas, amma a ntiit-ntiit kì-pan firi kì-diiret firi, di wuri cín mmun ndighìn Daa funu Kristi, pugyet di yam-yam.

Joon 3:16 "Mpeedi Naan wal mun gurum di mun ndighìn yil ni jir, har wuri lop Làa firi diimindong sham, mpeku koo weye di cínzeen

nwuri, be ba ngo mìnín mmuut kas, amma nwurin nkat seen diiso ngaa-ngaa.

Hosiya 11:8; Aizaya 49:15,16; & Aizaya 41:13,14

Luk 12:32 "Wun nyem dí wu cínzeen wan. Wun a rep kuur tum mo. Taji kiírmuut yaa wun kas, mpeedi ni ret puun fuu nyit, mpeku wuri cín mulki ni dí nwun.

Matiyu 28:20 Wu kám mmo, mpeku mo tap ki-mbii dí wan kín sat nwun, ku mo c'in mo jir. Wu naa wan dí ashak ki-wun shidaar-shidaar har parpuus dí yil nin nkyes."

Joon 14:1 "Taji wu yit ku putughup fuu mo wat kas. Wu cínzeen nNaan, ki-wu cínzeen nwan zak.

Zabura 23:1 - Joon 10:11 "Wan a ngukiyeer diiret. Ngukiyeer diiret wurii cín seen fíri mpee tum ni mo.

Zabura 23:2 - Sughun 7:17 Laatum dí wurin nnaar ki-mo, wurin ndee a ngukiyeer furu. Wurii so ki-mo a pee tubut dí ni a mu seen dí. Naan wurin mpwos yitmwaan dí nin nyit furu mo jir."

Zabura 23:3,4 - Luk 1:79 Mpeku ni bangpee dí nyem dí moo tong ndighin peenkoo, ki-ndighin muriin mu muut, mpeku wuri so dí ki-mun a ar dí ni a mu riyang."

Zabura 23:5,6 - 2 Korinti 1:10 Naan wuri ki-ten put ki-mun ndighin muut ni, ki-wurin ndung put ki-mun ndighin muut ni zak. Mun mu cínzeen nee, wurin mbaa put ki-mun ndighin muut ni riyang zak.

Filipi 4:7 Riyang ki-Naan dí ni met man mo jir, ni tap ki-putughup fuu mo ki-pan fuu mo, ndighin Kristi Jesu.

Sumpo 3:24 & Zabura 4:8 - Joon 14:27 Wan cín riyang fina nwun, ki-riyang fina ni tong ashak ki-wun zak. Taji putughup fuu mo wat koo kiírmuut yaa wun kas, mpeedi ba wan cín riyang ni nwun a kaadí yil nii cín si kas.

Zabura 33:18 - 1 Pita 3:12 Naan wurii tap ki-nyem dí moo c'in mbii diiret mo, shidaar-shidaar, ki-Naan wurii kiling aduwa furu mo.

Amma nyem dí moo c'in mbii diibish mo, be Naan wurii kwar mo."

Rom 5:2 A Daa Jesu Kristi wuri j'i ki-mun kus ki-Naan, mpeku mu man diiret ki-Naan dí. Di muu dar dibut, ki-mu c'in retnyit, mpeedi muu leyit funu mpee parmeeci, be mun ntong ashak ki-Naan ndighin diides fíri.

Aizaya 55:12 - Luk 19:40 Jesu lap mmo nee, "Wan sat nwun nee, koo dí nyem diisi mo dok titik, be jwak mon nle or."

Joon 16:22 Wun nkat putughup diiwuat yaksi, amma pee nin ndung j'i dí wan mbaa naa wun dí zak. Dangbe putughup fuu mon ngam ki-retnyit, ki-ba mee gurum mak mang retnyit fuu miini pu wun dí kas.

Luk 12:9 Amma ngo dì wuri cíipo fina ntoghom kì-gurum mo, be wan nciipo ki-ngo mìnì ntoghom kì-nyemlop kì-Naan mo zak.

Matiyu 10:30 Amma pee wun, be shoopkáa fuu mo a diititang shimindong-shimindong.

Aizaya 54:10 - Matiyu 24:35 Deng kì-yil mon ndel so weet, amma ba po fina mon mmak kyam del so kas."

Matiyu 11:28-30 Wu j`i pe wan dì jir, wun nyem dì wuu c`in dak, kì-lee nii toghon nwun zak, be wan ncín nookdì nwun. 29 Wu del mbut dak fina, ku wu kám shiimwaan fina dì, mpeedì wan a ngusham kì-káa fina, kì-wan kìn tap c`in mbii mo a mbut dyen. Katdang wu del mbut dak fina, be wun nkat nookdì mpee seen fuu mo. 30 Mpeedì ba dak fina ni luk kas, kì-lée fina ni a dififiel zak."

Solomon 2:10 & Hosiya 2:14,19,20

2 Korinti 11:2 Wan kìn c`in zughur nkaa wun mpee Naan. Wun a kaa reep dì ba wura kì-man mish kas. Wan kìn tuwoorpo mpee cín wun ndik, kaa matpoo si pe mish fira dì, a Kristi wuri a mish fuu ni.

Exodus 3:14 - Hiburu 13:8 Jesu Kristi wuri a diimindong, doghon-doghon, kì-cicín, kì-dadaar, kì-har ngaa-ngaa.

Hosiya 13:4 - Dak 4:12 Ba gurum mon nwaa mak kat mee bam pe mee ngo dì kas. Mpeedì ndighin yil dìisi jir, be ba Naan wuri kì-c`in iiko mmee ngo, mpeku wuri bam gurum mo dì kas, see a ndighin sum kì-Jesu Kristi bejee dak"

Joon 15:14 Katdang wu c`in mbii di wan sat mo nwun, be a wun a shaar fina mo azeen-nzeen.

Joon 14:6 Jesu sat nwuri nee, "Wan a ar, a wan azeen, kì-wan a seen, ba mee gurum mak so pe Daa Naan dì kas, see wuri shee j`i pe wan dì akudang.

Sughun 3:20 A naa, wan kìn dar mpolu mu putughup. Wan nkaa bwap polu ni, katdang mee ngo killing doo fina, kì-har gwar mìnì wang polu ni, be wan ndel ndighin lu ni, har wan se mbiise ashak kì-gwar mìnì, kì-gwar mìnìn nse mbiise ashak kì-wan zak.